



吴 明 著

净土 五经述要

北京圖書館出版社


无量印法門經述要

鼓音聲王經述要

觀無量壽佛經述要

阿彌陀經述要

無量壽經述要



净土
五经述要

中国佛教出版社

中国佛教出版社

中国佛教出版社

中国佛教出版社

中国佛教出版社

中国佛教出版社

净 土 五 经 述 要

吴 明 著

北京图书馆出版社

图书在版编目(CIP)数据

、 净土五经述要/吴明著. —北京: 北京图书馆出版社, 1998

ISBN 7-5013-1167-6

I. 净… II. 吴… III. ①净土宗-佛经-注释②佛经-净土宗-注释 IV ①B942②B946.8

中国版本图书馆CIP数据核字(94)第00321号

书名 净土五经述要

著者 吴明

出版 北京图书馆出版社(原书目文献出版社)

发行 (100034 北京西城区文津街7号)

经销 新华书店北京发行所

印刷 北京冠中印刷厂

开本 850×1168(毫米)1/32

印张 4.8125

字数 120(千字)

版次 1998年3月第1版 1998年3月第1次印刷

印数 1—4000

书号 ISBN7-5013-1167-6/B·72

定价 7.00元

目 录

佛说如幻三摩地无量印法门经·····	(1)
无量印法门经述要·····	(16)
阿弥陀鼓音声王陀罗尼经·····	(38)
鼓音声王经述要·····	(41)
观无量寿佛经·····	(47)
观无量寿佛经述要·····	(58)
阿弥陀经·····	(71)
阿弥陀经述要·····	(75)
无量寿经·····	(96)
无量寿经述要·····	(107)

佛说如幻三摩地无量印法门经卷上

如是我闻，一时世尊在波罗奈国仙人堕处鹿野园中，与大苾芻众二万人俱。菩萨摩訶萨一万二千，其名曰师子菩萨摩訶萨，师子意菩萨摩訶萨，善住意菩萨摩訶萨，胜思维菩萨摩訶萨，持世菩萨摩訶萨，人授菩萨摩訶萨，水天菩萨摩訶萨，宝积菩萨摩訶萨，隐密菩萨摩訶萨，贤护菩萨摩訶萨，电天菩萨摩訶萨，遍照菩萨摩訶萨，智积菩萨摩訶萨，不休息菩萨摩訶萨，不空见菩萨摩訶萨，慈化菩萨摩訶萨，妙吉祥童真菩萨摩訶萨等。复有二万天子，所谓善道天子，安意天子等，是诸天子，皆悉安住大乘法中，并余无数百千大众，咸悉恭敬围绕世尊，听受说法。

尔时会中有一菩萨摩訶萨，名胜华藏，从座而起偏袒右肩，右膝著地，合掌顶礼前白佛言：世尊，我有所问，惟愿如来应供正等正觉，哀愍听许，略为宣说。佛言：胜华藏，如来应供正等正觉，随有问者，即为开晓，今恣汝问，当为汝说。

尔时胜华藏菩萨摩訶萨白佛言：世尊，菩萨摩訶萨云何得不退转於阿耨多罗三藐三菩提，成就五神通，得如幻三摩地？得是三摩地已，诸有众生善根成熟，即以自神力，如应现化，随诸众生所起信解，即为说法，而令速证阿耨多罗三藐三菩提。

佛告胜华藏菩萨摩訶萨言：善哉善哉，胜华藏，汝今善问如是等义。汝於过去，已曾亲近俱胝那庾多百千诸佛，於诸佛所深种善根，而復能为一切众生，起悲愍心。汝应善听，极善作意，今为汝说。于是胜华藏菩萨受教而听。佛言：胜华藏，当知有一法若菩萨摩訶萨能具足者，即得如幻三摩地。得是三摩地已，诸有众生善根成熟，即以自神力如应现化，随诸众生所起信解，即为说法，而令速证

阿耨多罗三藐三菩提。胜华藏，所言一法者，谓无依止法，若菩萨摩訶萨成就此法已，乃至遍三界中不作依止想，若内若外悉无依止。由如是故，即具正见。以正见故，得正相应及正所行，是故获得无障碍慧。慧无碍故，心亦无碍，于无碍心中即起正行。胜华藏，云何菩萨能起正行？谓了一切法悉从缘生，于缘生法中，无有少法而实积聚。何以故？以彼诸缘皆不实故。是中云何有法可生？若法缘生，即是无生，是故一切法皆悉无生。菩萨若能如实了知一切法无生，即得成就诸菩萨道。所有一切众生根欲及事，能以悲心而悉随入，得深信解，了知一切法悉如幻化。乃至分别一切法，皆是化事，以彼分别毕竟空故。而一切法亦复皆空，如是知己，即得如幻三摩地。得是三摩地已，乃至能令众生速证阿耨多罗三藐三菩提。胜华藏菩萨复白佛言：世尊，今此会中，有几许菩萨摩訶萨，得是如幻三摩地？佛言：胜华藏，今此会中，有慈氏菩萨，妙吉祥童真菩萨等六十大士，皆已被於不思議鎧，得是如幻三摩地法门。胜华藏言：余世界中，亦有菩萨大士得是三摩地邪？佛言：胜华藏，西方过此百千俱胝佛刹，有世界名极乐，有佛号无量光如来应供正等正觉，现住说法，教化众生。彼佛刹中，有菩萨名观自在，复有菩萨名大势至，彼二菩萨得是三摩地，于七夜中，为余菩萨说是法门。诸菩萨闻已，亦得是三摩地。胜华藏菩萨复白佛言：世尊，彼佛刹中所有菩萨，得如幻三摩地者，应多于此，何以故？此佛刹中诸菩萨等，于慈氏菩萨，妙吉祥童真菩萨，所不能专勤诸问所受如是法门，是故少有得此三摩地者。佛言：胜华藏，如是如是，如汝所说，彼佛刹中所有菩萨，安住如幻三摩地者，无量无数不可称计。

尔时胜华藏菩萨摩訶萨复白佛言：世尊，惟愿如来应供正等正觉，如其所应现神通相，使彼佛刹二大士等，来此娑婆世界。复令此会大众得见极乐世界，瞻睹无量光如来应供正等正觉，所以者何？此佛刹中诸善男子善女人，若得见彼无量光如来，即能发起阿耨多罗三藐三菩提心，各各愿王于彼佛刹，普得不退转于阿耨多罗

三藐三菩提。又若彼二大上来此刹中，所有此土修菩萨乘诸善男子善女人，善根增长或复于彼二大士所闻说法已，即令获得如幻三摩地。

尔时世尊受胜华藏菩萨摩诃萨请已，即从眉间放大光明，其光金色，于此三千大千世界普遍照耀。其中所有须弥山目真邻陀山，摩诃目真邻陀山，雪山轮围山，大轮围山等，乃至极余世界边际，一切山石丛林暗暝等处，此金色光而悉照破，世间所有日月光明广大炽盛，以佛光明所映蔽故，犹如眼光其量微小。是时光明金色晃耀，照彻西方百千俱胝佛刹，乃至极乐世界无量光如来所。其光旋环绕佛七匝，普照耀已，于彼佛前隐而不现，是时极乐世界所有菩萨声闻，及余众生之类，乘前光明，悉能见此娑婆世界，及见释迦牟尼如来，菩萨声闻大众围绕，如观掌中庵摩勒果，皆生欢喜爱乐之心，咸作是言：南无世尊释迦牟尼如来应供正等正觉。时此娑婆世界释迦牟尼如来，会中所有诸菩萨摩诃萨，苾刍苾刍尼，优婆塞优婆夷，梵王帝释护世四王，并余天龙夜叉乾闥婆阿修罗迦楼罗紧那罗摩睺罗伽，人非人等，悉能见彼极乐世界，及见无量光如来菩萨声闻大众围绕。光明炽盛如妙高山，映彻照耀遍此刹中，如明眼人于一揞手地量之中。观余面转而不劳力，此彼互见亦复如是。时此会众，得见彼佛及彼世界无数百千俱胝那庾多功德圆满庄严事已，皆生欢喜爱乐之心，咸作是言：南无世尊无量光如来应供正等正觉。作是言时，会中有八万四千众王，皆发阿耨多罗三藐三菩提心，以此善根当得生于极乐世界。

尔时彼世界中所有菩萨声闻大众，又复生希有心，合掌恭敬，遥向世尊释迦牟尼如来，而伸顶礼重作是言：南无世尊释迦牟尼如来应供正等正觉。发是言时，彼极乐世界六种震动，所谓震遍震等遍震，动遍动等遍动，击遍击等遍击，涌遍涌等遍涌，爆遍爆等遍爆，吼遍吼等遍吼。现如是相已，时彼会中观自在菩萨，大势至菩萨，俱白无量光如来言：希有世尊，希有善逝，彼释迦牟尼如来所有

名字，称念中间，能令大地六种震动。彼佛告言：善男子，不但此佛刹中，称扬释迦牟尼如来名字之时有如是相，别余无量佛刹之中，亦悉称扬彼佛名字。而诸佛刹蒙光照触，彼彼皆悉六种震动。是诸刹中无量无数众生之类，若得闻是释迦牟尼如来名已，悉得善根增长，不退转于阿耨多罗三藐三菩提。

复次彼会菩萨众中，有四十俱胝菩萨，得闻释迦牟尼如来名已，咸起是愿，普集所有一切善根，悉以迴向阿耨多罗三藐三菩提。即时观自在菩萨，大势至菩萨，前诣无量光如来所，各各头面礼彼佛足，肃恭瞻仰，退住一面，俱白佛言：世尊，彼释迦牟尼如来前所放光，昔未闻见，甚为希有，何因缘故？现是光相，若无因缘，彼佛世尊不放光明，其事云何？愿佛为说。彼佛告言：善男子，如是如是，如汝所说，释迦牟尼如来所放光明非无因缘，彼佛世尊，将欲宣说菩萨安住三摩地宝最上法门，为说法故先现是相。时观自在菩萨大势至菩萨，复白彼佛言：世尊，我等今者，乐欲往彼娑婆世界，瞻礼亲近世尊释迦牟尼如来应供正等正觉，听其说法，惟垂哀许。佛言：善男子，汝等可往，今正是时，汝等往故，转复发起彼佛世尊，宣说法要。时二菩萨蒙佛许已，即于诸菩萨摩訶萨众中，顾谓八十四俱胝菩萨言：诸善男子，我等今往娑婆世界，瞻礼亲近释迦牟尼如来，听其说法，所以者何？彼佛世尊，最上希有，能为难事，舍余清净严好佛土，乐于娑婆世界秽恶土中，以大悲愿力教化众生，彼诸众生多起下劣信解，勇发贪瞋癡等诸业烦恼。而佛世尊，能于其中成就阿耨多罗三藐三菩提果，是为难事，汝等宜应随我往彼，时诸菩萨欢喜随顺。

复次会中有诸大声闻，异口同音前白佛言：世尊，彼释迦牟尼如来所有名字，若暂闻者尚得善利，何况亲往现前瞻礼，使瞻礼者肉眼清净。我等欲往愿佛听许，佛言可往，今正是时。尔时八十四俱胝菩萨，并诸大声闻，恭敬围绕观自在菩萨，大势至菩萨，来诣娑婆世界。菩萨行时，如其所应，现诸色相神通事业。时八十四俱胝

菩萨，各各化现八十四俱胝殊妙楼阁，一一楼阁高十二由旬，广八由旬，四方四隅周遍妙好。是诸楼阁，有以金银呖琉璃，颇胝迦、赤珠玛瑙、琥珀等七宝合成，有以金银所成，有以金银呖琉璃成，有以金银呖琉璃玛瑙成，有以金银呖琉璃玛瑙颇胝迦成，有以金银呖琉璃颇胝迦琥珀赤珠所成，有以赤栴檀香、龙实栴檀香、沈水栴檀香成，有以众妙栴檀香等所共合成，有以优钵罗华、钵訥摩华、俱母陀华、奔拏利迦华所成，有以须摩那华、婆利师迦华、臆波迦华、波吒罗华、阿提目多迦华成，有以驮努瑟迦华所成，有以曼陀罗华摩诃曼陀罗华成，有以曼殊沙华摩诃曼殊沙华、嚧左华摩诃嚧左华、作訖啰华摩诃作訖啰华、苏嚧毗作訖啰华摩诃苏嚧毗作訖啰华、赞捺啰华摩诃赞捺啰华、苏嚧毗赞捺啰华、赞讷卢怛摩华、萨他罗华摩诃萨他罗华、苏嚧毗萨他罗华等，所共合成，有以一切妙华庄严所成，有以无数百千殊妙色相庄严所成，如是一一楼阁之中，皆悉出现八万四千清净光明。

佛说如幻三摩地无量印法门经卷中

复次彼彼楼阁周匝，或有天女执众乐器，所谓琵琶箏琴笙篳篥螺鼓小鼓拍板等类，作妙音乐。或有天女捧赤栴檀香末、或有天女捧龙实栴檀香末、或有天女捧沈水栴檀香末、或有天女捧黑沈栴檀香末、或有天女捧众妙栴檀香末、或有天女执优钵罗华俱母陀华奔拏利迦华，或有天女执曼陀罗华摩诃曼陀罗华、或有天女执播噜沙迦华摩诃播噜沙迦华，或有天女执曼殊沙华摩诃曼殊沙华，或有天女执噜佐华摩诃噜佐华，或有天女执作訖啰华、三满多作訖啰华、苏噜唧啰作訖啰华，或有天女执賛捺啰华、苏噜唧啰賛捺啰华，或有天女执萨他罗华摩诃萨他罗华、苏噜唧啰萨他罗华，或有天女捧天妙衣，及妙华妙香，涂香末香等，随处而住。而彼一一楼阁之中，各各有大妙宝庄严师子之座，化如来像、安处其上、三十二相庄严具足。又复一一楼阁之中化出八万四千真珠璎珞，其珠三色谓青白赤。又复一一楼阁之中，化出八万四千殊妙宝幢，以诸金铃网覆其上，天衣垂下而为严饰。又复一一楼阁之中，化出八万四千宝瓶，盛诸妙香。又复一一楼阁之中，化出八万四千妙宝盖，以百千种极妙彩绘，而为严饰。又复一一楼阁之中，化出八万四千多罗行树，一一皆以宝绳交络。又复一一楼阁之中，化出八万四千悬铃宝网，微风吹动出和雅音，如百千种妙音乐声。又复一一楼阁之中，化出宝池是池纯以金沙布底，七宝界道，琉璃水精周匝庄饰，八功德水充满其中，池中出生优钵罗华、钵訖摩华、俱母陀华、奔拏利迦华等。其池复有鳧雁鸳鸯异鸟和鸣，八万四千妙宝行树，周匝围绕，上以八万四千宝绳交络而为严饰。又复一一楼阁之中，出大光明广照八万四千由。尔时观自在菩萨摩诃萨大势至菩萨摩诃萨，及彼所来诸菩萨众，以是殊妙庄严一切楼阁，一时置在一楼阁中，诸

庄严事互不相碍。譬如力士屈伸臂顷，到此娑婆世界，而诸菩萨，以神通力故，各以所现八十四俱胝功德庄严殊妙楼阁，置于佛会，如其所应神通威力，令此娑婆世界地平如掌，而佛会中亦不迫窄。是诸楼阁出大光明，照此三千大千世界。是时彼二菩萨，前诣佛所，头面礼足，右绕三匝退住一面，俱白佛言：无量光如来应供正等正觉，致问世尊释迦牟尼如来少病少恼动止轻利安乐行不？彼二菩萨复白佛言：我等菩萨声闻，于极乐世界见佛世尊，故来瞻觐。时此娑婆世界佛会之中，所有菩萨声闻大众，见此世界清净严饰，及见无数广大楼阁已，咸起是念：如何来现是威力，而能令彼诸大菩萨来至于此。

尔时胜华藏菩萨，承佛威神，从座而起前白佛言：希有世尊，希有善近，今此娑婆世界如是严饰，及现楼阁，为是如来威神力邪，为是彼二菩萨威力所变，愿佛为说。

佛告胜华藏菩萨摩訶萨言：胜华藏，此非如来威神之力，乃是观自在菩萨摩訶萨，大势至菩萨，威力所变，故现是相，胜华藏复白佛言：希有世尊，希有善逝，此二大士，已得不可思议愿力清净善根洁白，乃能有是神通威力。佛言胜华藏：如是如是，如汝所说，此二大士已于俱胝百千那庾多劫，积集善根清净洁白。又复已得如幻三摩地法门，从是三摩地中，能现如是种种色相神通等事。

复次胜华藏，且置是事，汝观东方有何相？胜华藏菩萨承佛圣旨，即以无碍清净天眼，观见东方殑伽沙数佛刹之中，有殑伽沙数诸佛尊。彼一一佛前，皆有观自在菩萨摩訶萨，大势至菩萨摩訶萨各礼佛足。又闻其言：无量光如来应供正等正觉致问世尊少病少恼动止轻利安乐行不？及见无量广大楼阁妙宝严饰，如是南西北方，四维上下，一一皆见殑伽沙数佛刹之中，有殑伽沙数诸佛世尊，彼一一佛前皆有二大士各礼佛足。又闻其言无量光如来应供正等正觉，致问世尊少病少恼动止轻利安乐行不？及见无量广大楼阁妙宝严饰，时胜华藏菩萨见是相已复白佛言：希有世尊，希有善逝，

此二大士真实已得最胜如幻三摩地门，能于十方诸佛刹中，悉现其身神通威力不可思议。

尔时世尊，观察众会，如其所应现神通相即时会中一切大众，以佛威神力故，皆如胜华藏菩萨，亦能见彼十方世界如伽沙数诸佛刹土。彼彼刹中佛世尊前，皆有二大士各礼佛足，乃至见彼广大楼阁妙宝严饰，当此众会见是相时，会有三万二千众生发阿耨多罗三藐三菩提心。

尔时胜华藏菩萨摩訶萨，复白佛言：世尊，此二大士于何佛所发阿耨多罗三藐三菩提心，而所发心为久近邪？其佛如来，名字何等？惟愿世尊，善为宣说，令余菩萨知其所修，如其所行，毕竟皆得行愿圆满。佛告胜华藏菩萨言：汝应善听，积善作意，今为汝说，是时胜华藏菩萨受教而听。

佛言胜华藏：乃往过去阿僧祇阿僧祇劫前，又经广大无量无边不可思议劫数，过是劫已将此三千大千世界，碎为微尘。一尘一劫，过是微尘劫数之前，时有世界，名无量功德庄严普现妙乐。有佛出世，号师子游戏金光王如来应供正等正觉明行足善逝世间解无上调御丈夫天人师佛世尊。彼佛刹中，所有功德庄严等事，广大无量。胜华藏于汝意云何？彼无量光如来应供正等正觉，极乐世界中所有功德庄严，是为多不？胜华藏言：甚多世尊，无量无边不可思议。佛言胜华藏：我以譬喻略明斯义。譬如有人，取彼一毛折为百分，将其一分于大海中取一滴水，胜华藏，于汝意云何？彼毛端水是有多邪？余大海水而多为邪？胜华藏白佛言：世尊，毛端之水，极为微少，余大海水深广无量。佛言胜华藏：汝今当知无量光如来极乐世界，所有功德庄严等事，如毛端水。师子游戏金光王如来无量功德庄严普现妙乐世界所有功德庄严等事，如大海水。又师子游戏金光王如来会中所有菩萨声闻之众，比无量光如来会中菩萨声闻多百千倍。彼佛世尊，随应演说三乘之法，胜华藏，以要言之，彼师子游戏金光王如来刹土之中所有功德庄严，及妙乐事。

假使我于殑伽沙数劫中，广以辩才，而亦不能说其边际。

复次胜华藏，彼师子游戏金光王如来法中，有王名胜威。其王于千世界中，自在特尊，广大富盛，正法化世。有七万六千最上园苑，王所受用，其王诸子各有一万园林受用。胜华藏菩萨白佛言：世尊，彼佛刹中有女人不？佛言不也。善男子，彼佛刹中，尚无人名子可闻，况有女人邪？其中生者，皆是化生清净洁白，咸修梵行。一切众生，皆以法喜禅悦为食，不受一切麤恶段食。胜华藏，其王与子，于八万四千俱胝藏中，尊重供养师子游戏金光如来。彼佛世尊，知王深心起净信已，即为意说无量印善巧法门。胜华藏，何等名为无量印善巧法门邪？谓诸菩萨摩訶萨所起诸行，未尝于量法中而有趣求，何以故？以诸菩萨行无量布施、无量持戒、无量忍辱、无量精进、无量禅定、无量智慧，于无量生死中随入于无量众生中慈愍、无量刹土庄严、无量声闻庄严、无量色相成就，具足无量音声，及无量辩才。胜华藏，诸菩萨乃至一发心所有善根，尚起无量广大之心，迴向一切，况复积集无量行愿？普用迴向一切众生，使诸众生悉证无生，如佛涅槃。善男子此即各为无量迴向，以是迴向故，即空无相无愿而悉无量真如实际法界，亦复无量解脱无生離诸繫著。善男子，以要言之，无量义者，即一切法无量。何故说一切法为无量邪？以一切法无量。何故说一切法为无量邪？以一切法无生无灭故无量。若法无量即无生无灭，若法无生无灭即无量，是各无量印法门。胜华藏，尔时彼师子游戏金光王如来，为彼胜威王，如是宣说无量印善巧法门时，其王于一切法而得觉了。

复次胜华藏，彼胜威王，于佛法中修禅定行，复于一时安处禅定，其王忽然左右二胁，生二莲华殊妙可爱，清净犹如龙实栴檀香。于其华中生二童子，跏趺而坐，其王见已叹未曾有，即向童子说伽陀曰：

汝或是天或是龙， 或复夜叉罗刹类；
若人非人若神仙， 汝等何名为我说。

时右胁生者童子，即说伽陀，答彼王曰：

于一切法空性中，	汝今问我何名字；
然彼诸法本无名，	何姑以名而见问。
法空性中无天龙，	亦无夜叉罗刹类；
人与非人若神仙，	彼等一切无所有。

时左胁生者童子，亦说伽陀，答彼王曰：

名与名体二皆空，	能名所名俱无有；
于一切法无名中，	但以强名而表示。
当知真实名自性，	是中非见亦非闻；
本来无灭复无生，	何故以名而见问。
诸所作事所有名，	既以假名而表示；
是故我今亦假名，	一名宝严二宝上。

彼二童子说伽陀已，宿善力故得五神通，即与胜威王，同诣师子游戏金光王如来所，到已头面各礼佛足，右绕三匝，退住一面，彼二童子合掌向佛异口同音，说伽陀曰：

我今当以何等物，	供养正觉二足尊；
此事愿佛开我心，	令我闻已心安定。
我今无华亦无香，	复无饮食及衣服；
诸妙供养悉皆无，	将何供养最胜者。

尔时彼佛，为二童子、说伽陀曰：

若能一发菩提心，	广为众生作利乐；
此即名为真供养，	正觉三十二相者。
若人以彼殒伽沙，	是等数量诸佛刹；
满中胜上诸妙华，	供养世尊救世者。
若人至心但合掌，	发起无上菩提心；
是人所获胜福门，	倍多于前无有量。
异此何名真供养，	异此何名胜依止；
若人能发菩提心，	我说名为上智者。

佛说如幻三摩地无量印法门经卷下

复次胜华藏，尔时彼二童子，向佛世尊复说伽陀曰：

能仁作大师子吼，	天人一切普得闻；
我等今对世尊前，	各发诚实最上愿。
我等乃至未来际，	愿我所行经多劫；
随入生死轮回中，	救度无数众生类。
我等今者以此缘，	尽未来际悉思念；
普为利乐诸众生，	于无边劫行不懈。
我等从今日已去，	永灭贪瞋痴等垢；
十方现在佛世尊，	证我所说诚无妄。
我等今发菩提心，	不乐声闻缘觉果；
我等若有乐小心，	决定当招妄语报。
我所不乐二乘果，	但以悲心为众生；
纵经俱胝多劫中，	愿我常行而不懈。
如佛世尊所成就，	如应佛刹广庄严；
愿我当来得佛时，	刹土倍多俱胝数。
又愿当来佛刹中，	无有声闻缘觉众；
纯一菩萨所庄严，	广集无量诸智聚。
愿我得是庄严已，	当令众生得离垢；
从诸佛法所出生，	普使当持佛法藏。
若我今时诸所说，	真实无妄无别异；
愿此大海及山川，	乃至大地皆震动。
当发如是愿言时，	大地即时皆震动；
不鼓音乐自然鸣，	出微妙音遍十方。

天雨众华众妙香，殊丽严好极可爱；

俱胝百千妙天衣，周遍缤纷而散布。

尔时彼二童子，各发阿耨多罗三藐三菩提心，胜华藏于汝意云何？彼时胜威王者岂异人乎？即今无量光如来应供正等正觉是。彼时宝严童子者，今观自在菩萨摩訶萨是。宝上童子者，今大势至菩萨摩訶萨是。是二菩萨，于彼师子游戏金光王如来所，首发阿耨多罗三藐三菩提心。

复次胜华藏菩萨前白佛言：世尊，此二大士甚为希有，如是名字难可得闻，而复具足甚深信解，所发菩提心无与等比。世尊，此二大士于师子游戏金光王如来之后，又复供养几许诸佛。佛言：善男子，所有殍伽河沙尚可知其边际数量，此二大士于彼佛后其所供养诸佛如来，我亦不能知其边际，何以故？此二大士悉已被于不思議鎧，具足无量殊胜功德，是故不能知其边际。

尔时胜华藏菩萨摩訶萨复白佛言：世尊，彼无量功德宝庄严普现妙乐世界，在何方处？佛言：善男子，今此西方极乐世界，即是彼往昔时无量功德宝庄严普现妙乐世界。胜华藏言：此二大士，当于何时成就阿耨多罗三藐三菩提果？当得何等佛刹功德庄严？而佛寿量其数几何？复有几许菩萨之众，惟愿如来应供正等正觉，广为悲愍利乐一切世间天人宣说此二大士，当成佛事，令余菩萨闻已悉得大愿圆满？佛言：胜华藏，汝应善听，极善作意，今为汝说。是时胜华藏菩萨受教而听，佛言：善男子，当知西方无量光如来寿命无量，极不可计。假使俱胝那庾多百千劫中，亦复不能说其边际。其佛正法住世，八万四千那庾多劫。佛涅槃后，以诸众生善根力故，亦得值遇余佛出世。而诸菩萨安住念佛三昧常得见佛中无间缺。善男子，又复无量光如来涅槃之后，其说法处，七宝庄严妙莲华树，自然演出微妙法音。经于一夜至明旦时，观自在菩萨摩訶萨，即于众宝庄严菩提树下，安处其座，成正觉。成正觉已号曰普明高显吉祥峰王如来应供正等正觉明行足善逝世间解无上士调御丈夫天人师